


朱子經濟文衡續集

十二之四



漢書門			
九	四	一	六
冊	架	函	號
一	三	一	六

內閣文庫			
九	四	一	六
冊	架	函	號
一	三	一	六

內閣文庫	
番號	漢 9416
冊數	16 (13)
函號	298 258

共十六卷



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



綴じ部(喉部分)の文字など開きが不鮮明な箇所あり

類編標註文公先生經濟文衡卷之十二
○荒政類上 南康縣濟

推廣御筆減稅決獄二事

是年庚子先生知南康軍會詔帥守恤民隱決滯
獄以銷旱災先生因即二事申奏

此章專論勤恤民隱當以寬稅賦為先決遣滯因
當以閱實輕重早賜斷遣為急


伏觀本路安撫使司牒備奉御筆指揮頗聞雨澤愆期有妨

農務仰本路帥守勤恤民隱決遣滯獄嚴禁屠宰精加祈禳

若未感格即具奏聞當議降香前去期於必應俾雨澤霑足

實朕憂軫卿等各勉旃毋怠臣伏讀聖訓有以仰見 陛下

畏天之誠愛民之切雖成湯桑林之禱宣王雲漢之章無以



御筆
詔恤
民隱
決滯

民者
邦之
本財
者心

過此甚盛德也臣幸以愚賤獲奉詔旨謹以騰寫摺告贊之
幽明仰憑威靈屢獲感應但其雨澤不至決洽均勻目今正
是早禾吐穗結實之時尚多闕水去處又聞湖南湖北淮西
等路例皆枯旱將來不幸或至荒歉即雖移民移粟之小惠
亦無所施臣是以夙夜憂傷不遑啓居切以愚見推廣聖訓
畫為二策具有奏聞如有可採乞賜施行庶幾有以導近和
氣銷去旱災仰寬 陛下宵旰之憂惟是不量卑鄙屢犯天
威無任震懼隕越之至臣之所陳謹具如后

臣伏讀聖詔有曰勤恤民隱臣謹已遵稟施行訖然臣竊聞
陸贄有言民者邦之本財者民之心其心傷則其本傷其本
傷則枝幹凋瘁而根柢蹶拔矣推此言之則今日所以勤恤
民隱莫若寬其稅賦馳其逋負然後可以慰悅其心而感召

恒莫
隱莫
若寬
租賦
馳逋

和氣也臣自去年到任之初即以本軍星子縣稅賦偏重嘗
具奏聞乞賜蠲減及續躋訪到三縣夏料木炭錢料紐太重
亦嘗具申省部及提點司其木炭錢近得提點司保明條奏
已蒙聖恩蠲減二千貫訖獨星子減稅一事雖蒙聖恩施行
而戶部行下漕司漕司委官覈實近日方得回申戶部此事

星子
縣未
蠲未

若格以有司之法必是多方沮難未容便得蠲減所願聖慈
深賜矜憐直降睿旨特依所乞則此縣之民庶幾復得樂生
安土永為王民不勝幸甚臣又竊見州縣積欠官物已準去

明堂
赦書
放赦
上司
復備

年明堂赦書自淳熙三年以前並行除放而近者上司行下
依舊催督至如本軍雖小而所催除虛額逃閣外凡一十三
項計三萬四千七百三十三貫石匹兩其他大郡抑又可知
其間所欠雖復名色多端然而皆是赦恩已放之物今大

星子

續通負之語

前後守此一充未

可赦恩將
已放恩將
未放恩將
一未已赦恩將
獨除切

君明謹子
用刑
而刑
留不刑

行推理不唯仰虧帝王大信而其為害有不可勝言者蓋若
勤令州縣填備則州縣無所從出必至額外巧作名色取之
於民若但責之欠人則其間多已貧乏狼狽雖使賣妻鬻子
不足填納而監繫在官無復解脫之期均之二者皆不足以
曠蕩之恩自淳熙三年以前但干欠負官物不知是何名色
凡赦恩已放若已放而未盡者一切蠲除如有違詔輒行推
理仰被受官司繳連具奏委自三省看詳將施行官司重作
行遣其被害人戶亦許徑赴登聞鼓院進狀陳理依此施行
庶幾聖恩下達民情上通可以感格和平銷去災沴惟聖明
留意則天下幸甚

臣伏讀聖詔有曰決遣滯獄臣謹已遵稟施行訖然臣竊聞

奏狀
一奏狀
動涉
年歲

之易曰君子明謹用刑而不留獄此聖人觀象立教萬世不
易之法也今州縣之獄勦結圓脩情法相當者並皆即隨時
決遣惟其刑名疑慮情理可憫者法當具案聞奏下之刑寺
審閱輕重取自聖裁而州縣不敢以意決也此深得古人明
謹用刑之此見奏案不可與結絕大然奏案一上動涉年歲且如本軍昨於淳熙
四年十一月內申樞密院乞奏劫賊倪敏忠罪案其罪伏明
白初無可疑而凡經二年有半至今年三月內方準勅斷行
下其他似此亦且非一竊計他州繁劇去處此類尤多若使
皆是行劫殺人之賊偶有疑慮使之久幽囹圄亦何足恤其
間蓋有法重情輕之人本為有足憫憐冀得蒙被恩貸而反
淹延禁繫不得早遂解釋則恐非聖人所謂不留獄之意也
臣愚欲望聖慈特詔大臣一員專督理官嚴立程限今將諸

州奏案依先後資次排日結絕其合貸命從輕之人須當日便與行下其情理深重不當減降者即便寬與一限責令審覈然後行下庶幾輕者早得決遣釋放重者不至倉卒枉濫是亦導和弭災之一術惟聖明留意則天下幸甚

奏狀 孝宗朝

乞免租稅及撥錢米充軍糧賑濟

事目詳見財賦類第一段

此篇專乞依分數放免租稅外更令轉運常平兩司多撥錢米應副軍糧準備賑濟

臣伏觀本軍今為久闕雨澤旱田早損已依准令式具狀奏聞訖照對本軍地荒田瘠稅重民貧昨於乾道七年曾遭大旱伏蒙聖恩放免本年夏秋二稅錢米紬絹共八萬六千三百二十貫石匹及詔本路監司應副軍糧米四千石餘石軍糧米錢九千餘貫并撥本軍未起米一萬一千七百餘石本軍借充過乳香度牒錢一萬餘貫湊糴軍糧支遣官兵及撥到賑糶米五萬石人拖欠兩年上供折帛月椿等錢共九萬三千四百一十六貫石匹兩然後遺民復得存活以至今日今茲不幸復罹枯旱之災又蒙 陛下親降御筆深詔守臣精加祈禱而臣奉職無狀無以感格幽明祈禱兩月殊無應效今則旱田什損七八晚田亦未可知正得薄收其數亦不能當旱田之一二訪聞耆老云乾道七年之旱雖不止於如此然當時承慶豐之後富家猶有蓄積人情未至驚憂又以朝廷散刈薄征賑給之厚而人民猶不免於流移殍死閭井蕭條至今未復况今民間蓄積不及往時人情已甚憂懼目下軍糧便闕支遣計科見管常平斛斗亦恐將來不足賑

今日旱災

濟支用若不瀝懇先事奏聞切恐將來流殍之禍及他意外之憂又有甚於前日欲望聖慈早降睿旨許依分数放免稅租外更令轉運常平兩司多撥錢米應副軍糧準備賑濟則一郡軍民庶幾不致大段狼狽冒犯天威臣無任恐懼待罪之至

奏狀 孝宗朝

乞截留米綱充軍糧賑糶賑給

事目詳見財賦類第一段

此篇專乞留淳熙六年殘零未起米綱及七年合起米綱並充本軍軍糧及賑糶賑給用

官兵 糧廩 取辦 斛取

臣契勘南康軍受納人戶苗米計四萬六千五百一十九石遞年科撥並充上供起撥而本軍官吏軍兵一歲糧稟計當用米二萬七千五百一十三石並無科名支撥從來只於人

戶輸納苗米多收加耗高量斛面及侵支漕司科撥未盡米

斛應副支遣昨於淳熙五年內奉聖旨令人戶自行把繫見青交量每斛已減斛面二斗及臣到任訪聞民間猶以所納為重又行措置減去加耗一斗所入之數既已不多然若無水旱災傷非泛支遣更以別色官錢多方采補亦可僅免曠闕今者不幸遭此旱傷差官檢放雖未得見分数多寡然以目所見參之傳聞其勢所收未必及三四分切恐將來減放之數納苗米頭數不多當此凶年所減加耗斛面又難以復行起即本軍官兵所支糧廩委是並無指擬夫民饑猶能流移逐食軍兵既係尺籍從來仰食於官豈容一日有所欠闕臣既淺短無術可為旬月以來晝度夜思以至成疾雖已略控危衷陳乞罷免然念州郡事勢日就危迫又有萬倍

今日 軍糧 支遣 委無

於一身者若不立告朝廷早為之所而但偷為一身之計自
求安便則其上負 陛下拔擢任使之恩雖復萬死猶有餘
罪故不自揆其踈賤輒敢復具情實冒昧奏聞欲望聖慈哀
憐遠方軍民遭此旱虐凜然日有溝壑之憂特降睿旨許留
淳熙六年殘零未起米綱及七年合起米綱並充本軍軍糧
及賑糶賑給支用其賑糶米錢候將來收到別隨綱運解發
庶幾一郡生靈若軍若民皆可以保其螻蟻之微命共感天
地造化無窮之恩 奏狀

乞借上供糶本并倚閣夏稅錢帛

事日見前

此篇專乞先借上供官錢留充乘本并乞權行倚

閣夏稅錢帛以寬民力

今年
災傷
至重

臣昨為本軍今年災傷至重奏乞截留兩年上供米斛內備
強妄伏俟誅夷不謂聖恩即垂開允臣與闔郡千里軍民鼓
舞相慶仰戴天地父母再生之恩雖復捐軀隕首誠不足以

夏稅
見錢
乞行
允借

仰報萬分之一今來檢放夏傷秋苗通計不止七分除已一
面攢具奏聞外復有危迫之懇須至冒昧以聞切見本軍今
年所理夏稅緣自省限起催以來即苦旱乾人戶車水救田
日不暇給憂勞愁歎實與常數不同遂不敢嚴責諸縣依限
催理只令勸諭人戶自行輸納至今截日方抵納到絹九千
四百匹錢一萬六千七百三十五貫二百五十九文省其絹
一面支裝起發所有見錢切緣本軍別無儲積可備賑糶不
免擅行允借并未起淳熙六年折帛錢七千三百一十九貫
二百九十六文省通前兩項共錢二萬四千五十二貫五百

木納
錢納
并納
行納

五十五文省越此米價未起之間收糴米斛約計得可一萬一千五百七十石賑糴飢民却俟糴畢收簇見錢節次起發其餘人戶所欠錢絹數目尚多而民間自今以往飢餓寒凍之憂日甚一日漸次無方可以供輸臣誠不忍更行催督以速其流離轉死之禍敢冒萬死復以上聞欲望聖慈更賜哀憐許將本軍今年人戶未納夏稅錢帛權行倚閣令候來年蠶麥成熟却隨新稅夾帶庶幾飢餓餘民得保生業不勝萬幸所有臣輒將上供官錢借兌糴米之罪敢不俯伏恭俟朝典伏乞聖慈併賜施行臣無任瞻天望聖皇恐懇切之至

奏狀

乞撥賜苗米充軍糧支遣

事目見前

此段專乞撥賜檢放合納苗米與充軍糧支遣

軍兵
稟給
並死
支遣

准尚書省劄子宣教郎權撥遣南康軍宋其奏為今歲旱傷除接濟飢民一事常平司已行措置惟有軍糧歲用二萬七千五百一十三石並無窠名支撥乞將淳熙六年未起米五千石并今年苗米檢放外餘數乞盡行撥賜充軍糧及賑糴賑給支用奉聖旨令本路提舉常平司將所部州軍應管常平義倉錢米通融寬數支撥外更許本軍將淳熙六年未起米並皆盡數存留充軍糧及賑糴等支用內糴到價錢令項椿管非奉朝廷指揮不得擅行支使其淳熙七年分米候見得實旱傷分數別行申取朝廷指揮本軍除已遵稟施行外令據星子都昌建昌縣申到檢放通計八分四毫四絲所有今秋苗米管催四萬六千五百餘石除放八分四毫四絲計米三萬七千四百餘石外合納米九千九十餘石切緣本軍

軍兵

稟給

並死

支遣

放外
畝米
與充
軍糧

一年支遣米計二萬七千五百一十三石政使盡蒙撥賜上
項米斛其於歲計尚闕支遣若於數內更令發起即見狼狽
又將有不可勝言者欲望聖慈矜憐孤遠特許盡數支撥上
件放外苗米與充軍糧則一郡軍民不勝幸甚奏狀

繳納南康任滿合奏事件

先生初到南康有任滿奏事之旨將滿除江西提
舉然猶待次先生愛君之誠深願見上既不獲前
乃奏本職四事一請特旨蠲星子縣稅二請照賞
格補授諸出粟人三以為救荒之政撫麾存養尤
當謹之於終則此奏是也四則申言白鹿賜勅額
及監本經多施行者

此篇專以旱暵之後民病未瘳乞加恩施

去年
大旱
田畝
不收

今年
民食
幸不
至闕

救荒
之政
尤在
謹終

臣切見本軍去年大旱田畝不收幸蒙聖恩減放秋苗倚閣
夏稅而又申詔有司發廩勸分前後丁寧勤懇懇凡所以
加惠於無告之窮民者至深至厚以故今歲開春以來及今
已是七十餘日而閭里細民幸不至於大段闕食又幸目今
雨澤以時原野漸潤切料不過四五十日則大麥可收又四
五十日則早稻相繼決不至於復有流離捐瘠之禍以勤
陛下宵旰之憂矣然臣切以為救荒之政蠲除賑貸固當汲
汲於其始而撫存休養尤在謹之於其終譬如傷寒大病之
人方其病時湯劑砭灸固不可以少緩而其既愈之後飲食
起居之間所以將護節宣小失其宜則勞復之證百死一生
尤不可以不深畏也今者飢餓之民雖得蒙被聖恩以幸免
於死亡然亦類皆鳥形鵠面蕭然無異於大病之新起若有

續文獻通考卷之七

司加意撫綏寬其財力則一二年間筋骸氣血庶幾可復其
 舊若遂以為既愈而不復致其調攝之功但見其尚能耕懇
 田疇撐住門戶而遽欲責以累年之適負與夫去歲倚閣之
 官物則是人者其必無全理矣竊聞乾道七年之旱夏稅秋
 苗亦皆嘗蒙聖恩矣而流殍甚眾迄今不復者正以次年帶
 納前科稅物者迫之也然考其實所謂帶納者初未嘗大段
 有人納到以佐有司用度之闕而姦胥猾吏得以並緣搔擾
 則其害有不可勝言者其後淳熙元年九月四日乃以荐飢
 始蒙蠲放則三年之間所失已多而無及於事矣今舊逋未
 除新稅將起斯人慄慄已有狼狽之憂臣愚欲望 陛下赦
 臣之罪察臣之言亟詔有司凡去年被災之郡盡今年毋得
 催理積年舊欠及將去年倚閣夏稅悉與蠲放其上二等入

悉與蠲放

戶當此凶年細民所從仰食其間亦有出粟減價賑糶而不

及賞格者欲望聖慈普加恩施許將去年殘欠夏稅多作科
 數逐年帶納則覆載之間幅員之內當此災旱之餘無有一
 夫一婦不被堯舜之澤矣臣愚賤疎遠不當妄有陳奏實以
 誤膺委寄職在牧民切於詔令之間有以仰窺 陛下子愛
 黎元之心有加無已大懼無以仰稱萬分是以不敢不盡其
 愚冒瀆天威臣無任恐懼顛越之至

奏狀

乞放租稅應副軍糧

先生既守南康時早荐飢除申請奏聞外再申省
 乞為敷奏

此篇專以民流未復乞加優恤

久闕雨澤

伏觀本軍今為久闕雨澤早田早損已依准令式具狀奏聞

旱田
早損

訖照得本軍地荒田瘠稅重民貧昨於乾道七年曾遭大旱
伏蒙聖恩放免本年夏秋二稅錢米細絹共八萬六千三百
二十貫石匹又詔本路監司應副軍糧米四千石撥到糴軍
糧米錢九千餘貫并撥本軍未起米三萬一千七百餘石本
年借充過乳香度牒錢一萬餘貫湊糴軍糧支遣官兵及撥
到賑糶米五萬石又拖欠兩年上供折帛月椿等錢共九萬
三千四百一十六貫石匹兩然後遺民復得存活以至今日
今茲不幸復罹枯旱之災又蒙御筆深詔守臣精加祈禱而
其奉職無狀無以感格幽明祈禱兩月殊無應效今則早田
什損七八晚田亦未可知正使幸得薄收其數亦不能當早
田之一二訪問耆老皆云乾道七年之旱雖不止於如此然
當時承屢豐之後富家猶有蓄積人情未至驚憂又以朝廷
散利薄征賑給之力而人民尤不免於流移殍死閭井蕭條
至今未復况今民間蓄積不及往時人情已甚憂懼目下軍
糧便闕支遣計料見管常平米斛斗亦恐將來不足賑濟支
用若不瀝懇先事奏聞切恐將來浮殍之禍及他意外之憂
又有甚於前日除已具錄奏聞許依分数放免稅租更令轉
運常平兩司多撥米應副軍糧準備賑濟

南康申省狀
孝宗朝

乞倚閣夏稅

事目見前

此篇專乞以人戶未納夏稅錢帛權行倚閣

某昨為本軍今年災傷至重奏截留兩年上供米斛已蒙支
撥淳熙六年未起米五千石充軍糧及賑糶等支用本軍除

經濟文傳

續集卷十一

納到錢見已充借

其餘欠行乞倚

已恭稟施行訖今來檢放旱傷秋苗通計不止七分除已一面攢具奏聞外切見本軍今年所理夏稅緣自省限起催以來即苦旱乾人戶卑水救田日不暇給憂勞愁歎寔與常歲不同遂不敢嚴督諸縣依限催理只今勸諭人戶自行輸納至今截日方據納到絹九千四百匹錢一萬六千七百三十五貫二百五十九文省其絹一面支裝起發所有見錢切緣本軍別無儲積可以賑糶不免擅行充借并未起淳熙六年折帛錢七千三百一十九貫二百九十六文省通前兩項共錢二萬四千五十二貫五百五十五文省赴此米價未起之間收糶米斛約計可得一萬一千五百七十餘石賑糶飢民却俟糶畢收族見錢節次起發其餘人戶所欠錢絹數目尚多而民間自今以往飢餓寒凍之憂日甚一日漸次無力可以供輸某誠不忍更行催督以速其流離轉死之禍除已具錄奏聞乞賜許將本軍今年人戶未納夏稅錢帛權行倚閣令候來年春麥成熟却隨新稅帶納庶幾飢饉餘民得保生業不勝萬幸

乞撥兩年苗稅

事目同前

此篇乞截留米斛外更令師漕同相度應副

某昨曾具奏及申尚書省約計本軍今秋放旱外三分苗米一萬三千九百五十五石及去年零欠綱運米五千餘石乞賜截撥下本軍充軍糧支遣今續據管內三縣申到檢放寔數多是全力乾死所傷不啻八九分若依元數必取三分苗米即恐人戶無從輸納必致逃移其去年殘欠初意亦候今

冬催理填納今既災傷如此亦非併督舊逋之時以此計之
即某前奏所乞兩項米數正使便蒙聖恩許賜截撥然皆已
難作十分指準若更未蒙哀憐則其狼狽又將有不可勝言
者蓋嘗切謂有軍則糧決不可以不足既旱則稅決不可以
不放此二者皆必然之理也但在今日欲取足軍糧則民已
無食更責其稅必有逃移死亡之憂欲盡放民稅則有軍而
無糧民亦將有不能保其安者二者之為利害其交相代又
如此然就其一端而論之則闕軍食之禍淺而易見不放稅
之禍深而難知故今州縣之吏不過且救目前為應文逃責
之計掩蔽災傷阻遏披訴務以餉軍不闕為先務至於民不
堪命而流殍死亡皆不暇恤殊不知民既死徙閭井蒿條田
園蕪沒或數十年而戶口賦稅無以復於其舊積其所失比
之全放一年之稅何止陪蓰且如本軍乾道七年歲嘗大浸
流殍滿道至今十年而流庸尚有未安集者田土尚有未開
墾者今者不幸復遭此旱計其分数乃或其於彼時民尚無
以為食若復責以輸納租稅將來之患必當有甚於前不知
更費幾年功夫可得復似今日此尤不可不深慮者也然非
朝廷察此利害之幾有以給其軍食使之得以盡實檢放而
無乏供之患則難知之深害未弭而目前立至之禍已不可
免此某之所以不敢避僭瀆之罪復論前奏之未審者仰冀
鈞慈深加憐察特賜敷奏且依所乞截留兩項米斛外更令
帥漕兩司同共相度別行應副則闔郡軍民死生而骨肉矣
如蒙留念更望早賜行下以安其心某無任皇恐俟命之至
南康申省劄子

先生自淳熙已久三月到任庚子夏四月會詔監司郡守
條具民間利病遂上疏言天下之大務莫大於恤民恤民
之本又在人君正心術以立紀綱嘗具奏乞蠲減星子縣
稅又申泉司為三縣減科紐木炭錢歲為二千緡大旱歲
暑中禱祠山川却蓋暴露蔬食踰月恐懼憂勞無頃刻暇
引咎自劾秋旱甚約苗失收什八以上乃竭力指畫為荒
政備首諭民無流移以待賑恤會詔江東帥守恤民隱決
滯獄以銷旱災且頒勸分賞格因即二事推廣具奏復奏
請裁留綱運常平兩司錢米充軍糧備賑濟申嚴隣路斷
港遏糴之禁而通訪客舟選官吏授以方略俾視境內具
知荒歉分數戶口多寡蓄積虛定既覈餓民之數乃造曆
頭牌面置簿曆印付三縣俾散給之三縣每市鄉村四十
里則置一場以待賑糴合為二十五場其闕食甚者先賜
濟焉冬以旱傷分數告于朝乞蠲閣稅租放數稍寬民以
故無流徙凡荒政涉冬皆已有緒辛丑春正月朔始開場
分選見任寄居大小使臣等三十五員各莅一場以轄糴
濟而分委官巡察之以職減尅乞覓之弊其鰥寡孤獨之
人則用常平米依令賑濟既又慮農事將起民間乏錢則
凡合糴者皆濟半月閏三月望以二麥秀茂食新不遠糴
濟結局凡活飢民大人一十二萬七千六百七口小兒九
萬二百七十六口其施設次第人爭傳錄以為法焉

類編標註文公先生經濟文衡卷之十三

○荒政類下 浙東賑濟

申請前後救荒合行事件

是歲辛丑先生任滿到家秋七月以修舉荒政除直祕閣以前所勸出粟人未推恩不拜誥至復辭九月改除浙東提舉時荐飢遂即日上道仍乞奏事冬十月堂帖報出粟人已推恩乃受前職名十一月奏事廷和殿此第三劄也

此篇歷言採荒所合施行之急務

採荒之務檢放為先

救荒之務檢放為先行之及早則民知有所恃賴未便逃移放之稍寬則民間留得未未便闕乏然而州郡多是吝惜財計不以愛民為念故所差官承望風指已是不敢從實檢

定分数及至申到帳狀州縣又加裁減不肯依數分明除放
又早田收割日久檢踏後時致有無根查者乃是州郡差官
遲緩之罪而檢官反謂人戶違法不為檢定其有檢定申到
者州郡亦不為蠲放就中下戶所放不多尤被其害訪聞本
路州縣亦有似此去處欲乞候臣將來到任廣行詢究更與
從實蠲減

上戶
賑粟
止令
勸諭

伏覩近降指揮旱傷州縣上戶賑糶止令勸諭毋得科押仰
見聖明深察物情恤貧安富兩得其所然竊恐官吏被此指
揮之後其間或有便文自營之人必將泛然不以勸諭為意
而上戶亦有詞說難以勸諭官司米斛不多將來無以接續
其害又有不可勝言者欲乞且令州縣將來勸諭者權以去
年認數為約已勸諭者權據見認之數為準多方請訪加意
考核不得比同尋常報應空文須管究心辦訪得其實數具
實不能及數者更與量減實可更多出者則與量添其有鹵
莽滅裂徒為煩擾去處將來本司覺察得知具名聞奏庶幾
所認之數必得其平而無科押之患矣

應募
獻米
合格
推賞

應募獻米合格推賞之人多被官吏邀阻乞覓聞有至今未
推賞者近雖已蒙立法約束更乞明詔戶部先具見今奏到
以未推賞名件進呈將未推賞人日下推賞行下諸路州縣
有未申奏者限一月內並到如違許被押人進狀陳訴重作
行遣又上戶已經去年獻助今年所蓄想已不多若必依舊
格方得推賞則恐無復已格之人可以獻助欲乞檢會淳熙
元年三月二十四日勅戶部勸當到點檢台州措置賑濟官
取延年所申浙東路賑濟賑糶依湖南江西米數減半紐計

推賞指揮

謂如四千石合補承信即今減作二千石之類中

明行下庶幾應募者衆得濟飢民仍勒所司立定保明狀式及令逐處官司承受應募理賞詞狀文帖並要當日行遣如將來依式奏到省部却稱文字不圓及諸處故違程限者官負重加降責入吏並行決配庶幾富者樂輸貧者得食實為兩便

伏觀今歲紹興府已蒙聖慈撥賜米斛十七萬石訪聞昨來本府抄劄飢民戶口若自十一月至來年三月約用米八十八萬石方可足用其間固不能無冒濫虛數今來本府節次刪減未知將來定作多少戶口計度但今所有米數及糴米錢姑以元抄劄數計之不過得四分之一况又州府見闕軍儲竊慮不免却將撥賜米斛暗行借充則所得糴濟米數愈見

多若州府只據見米指定人口抄劄糴濟則所及不廣必致人戶流離餓殍上勞聖慮又臣經由衢州見得本州旱損雖云不及紹興府婺州兩州然其處水路淺澁冬月尤甚運載錢米極為艱難本州雖已差官往浙西收糴然糴本至少所得不多而所費水脚已不貲矣臣今來欲望聖慈更撥賜豐儲倉米三十萬石應副紹興府三萬石應副衢州如無見管米斛即計目今米價支借內帑見錢令其趁此米價未至騰踴之間前去有米州郡收糴旋次搬載回州其上件錢米並乞專責本司差委隣州官吏出納州府不得干預庶免侵允之弊其已撥賜錢米亦乞令本司選委本州通判一員同共主管不得別作支用仍詔守臣疾速措置收糴軍糧不管誤事其婺州雖蒙撥賜米五萬石尚恐未足賑濟却使臣親

州縣
官物
並乞
住催

到本州相度會計別具奏聞

諸郡荒歉人戶日有流移一切官物不堪催理其紹興府人戶夏稅已蒙聖慈等第免閣住催惟衢婺州當來失於申奏致人戶未蒙依例推恩而戶部漕司催督州郡亦如平日州郡無所從出其勢必取於縣縣無所從出則人戶必有受其弊者甚失聖主惻怛哀憐之意然計戶部漕司所催必是指定支遣之數有不得已者其勢又不容直行禁止欲乞朝廷取會戶部漕司合得諸州解發錢帛之數且於內庫支撥應副而詔戶部漕司被災州縣所欠新舊官物並且住催直至明年蚕麥熟後却將舊欠逐旋催理寬作料次撥還內庫决然不至敢有欠闕其人戶名下新舊上供官物亦乞明詔

招
來
販
召
不
得

州縣未得催理其紹興府雖已有前牛主催指軍竊恐州縣奉行不虔及將今年檢放外殘零苗米催督嚴峻亦乞聖慈更賜戒約令其寬限人戶輸納

今年旱地廣闊只有湖南二廣及浙西兩三郡豐熟而廣東海路至浙東為近臣昨受命之初訪聞彼處米價大段低平即嘗印榜遣人散於福建廣東兩路沿海去處招邀米客許其約東稅務不得妄收力勝雜物稅錢到日只依市價出糶更不裁減如有不售者官為依價收糶自此向後必多有人興販前來但臣元榜約束本路府縣稅場不得妄有邀阻收稅及力勝一節更乞聖慈申嚴行下有違戾者官吏並比見行條法各加一等坐罪至來年六月却依舊法其收糶本錢乞許行下本路沿海州軍將今年糶過米錢及充那諸色窠名支撥充應庶幾不失信於客人向後易為詔誘如或更蒙

朝廷量立賞格召人興販行下諸路曉示勸誘仍先降空名
付身數十道付本司俟有上件販到米斛之人即與書填給
付蓋緣客人糴貨了畢便欲歸向元處不能等候即與士居
上戶不同

戒飭
官吏
奉行
本心

抹荒之政著於令甲及近年節次指揮雖已詳察然而全在
官吏遵奉施行然後民被實惠况今年將飢公私匱竭比之
常歲事跡不同欲乞聖慈特降指揮戒敕本路守令以下令
其究心奉行悉意推廣其故有違慢不虔之人俾臣奏劾一
二重作施行以警其餘其有老病昏愚不堪駁策者亦許具
名聞奏別與差遣却選本路官吏惻怛愛民才力可仗者特
許不拘文法時暫權差謂如治獄捕盜官不許差出之類仍

依富鄉趙亦列選差具管待廟官廟待服官負管管幹事
單具名甲委量與推賞如戒磨勘陞名次之類庶幾官吏向
前人蒙實利 辛丑延和奏劄三 孝宗朝

再奏講求荒政

事目同上

此篇專論檢族社倉一事為久遠之利

下戶
苗米
全檢

臣昨任南康軍日適值旱傷深慮檢放搔擾下戶偶有士人
陳說乞將五斗以下苗米人戶免檢全放當時即與施行人
以為便本路提舉常平尤表遂以其法行之諸郡其利甚博
近日經由信州則聞玉山一縣亦得檢官如此措置除上三
等戶隨分減放外下二等戶盡行蠲免通計一縣所放亦不
過共成五分間之道旁居民莫不稱其平允此最為法之善
者而律令未有明文又今年檢踏已畢行之不及欲乞聖慈

社倉
方汰
可於
為令

詳酌特詔有司定著為令自今水旱約及三分以上第五等
戶並六檢踏具帳先與全戶蠲放如及五分以上即并第四
等戶依此施行其州縣差官後時致得早損田苗不存根查
亦乞立法坐罪其所損田即與相度地形高低水源近遠比
並隣至分数檢放庶幾貧民永遠利便

臣所居建寧府崇安縣開耀鄉有社倉一所昨係乾道四年
鄉民艱食本府給到當年米六百石委臣與本鄉土居朝奉
郎劉如愚同共賑貸至冬收到元米次年夏間本縣復令依
舊貸與人戶冬間納還臣等申府措置每石量收息米二斗
自後逐年依此歛散或遇小歉即蠲其息之半大飢即盡蠲
之至今十有四年支息米造成教倉三間收貯已將元米六
百石納還本府其見管三千一百石並是累年人戶納到息
米已申本府照會將來依前田畝散更不收息每石只收糶米
三升係臣與本鄉土居官及士人數人同共掌管遇歛散時
即申府差官一員監視出納以此之故一鄉四五十里之間
雖遇凶年人不闕食切謂其法可以推廣行之他處而法令
無文人情難強妄意欲乞聖慈特依義役躰例行下諸路州
軍曉諭人戶有願依立社倉者州縣量支常平米斛責與本
鄉出等人戶主執歛散每石收息二斗仍差本鄉土居或寄
居官負士人有行義者本縣官同共出納收到息米十倍
本米之數即送元米還官却將息米歛散每石只收耗米三
升其有富家情願出米作本者亦從其便息米及數亦與撥
還如有鄉土風俗不同者更許隨宜立約申官遵守實為久
遠之利其不願置立去處官司不得打勒則亦不至搔擾此

在今日言之雖無所濟於目前之急然亦公私儲蓄豫備久遠之計及今歉歲施行人必願從者衆其建寧府社倉見行事目謹錄一通進呈伏望聖慈詳察特賜施行 辛丑夏和奏

劄四 孝宗朝

乞撥官會度牒及賞獻助

先生既至司講求荒政復奏數事此居其首

此篇專乞撥借官會給降度牒及合催賞人

會稽山陰抄剗漏落

臣昨被臨遣備使浙東又蒙聖慈賜以官會三十萬貫以給一路賑糶賑濟自謂遭值聖恩隆厚至於如此其勢必可以救活此道之人伏自入境以來日據紹興府會稽山陰兩縣人戶投訴抄剗漏落遂將諸縣悉行根括先據兩縣申到比

見數賑給尚多

計其縣分地理之大小戶口決當數倍於此蓋緣當來諸縣抄剗不甚子細而又涉日既久向之粗能自給者今皆闕食所以飢民之數日有增加因此數考按本府昨來均定所得錢米撥下諸縣之數其為欠闕數目尚多遂將昨來所蒙給降會子等錢除五萬貫諸州申到已無見在更留五萬準備諸州申撥外即計逐縣大小及已得錢米多寡等第均給計已支費十八萬餘貫而會稽山陰兩縣自占九萬餘貫其餘準擬諸縣申到再剗人數別行均給者共不過一萬餘貫計可得米三四千石而已此見撥錢不充支給事勢危迫不免逐急於監司錢內借撥九萬餘貫牒紹興府措置運糶然亦僅可得米二萬餘石而已以兩縣再剗所添計之則此二萬二三千石之米其勢豈足以均及諸縣之人然而兩縣所得一家不過日得一

得食
之人
亦有
羸困

二升一口不過日得一二合而已此皆僅足以苟延喘息而
不足以救其死命竊料更加旬日未論不得食者必致殍死
而此得食之人亦有羸困不能以自存者矣又况當來計料
糶濟止到三月十五日便行住罷已不能給而麥熟猶在四
月麥之熟否姑置未論止許住罷至麥熟猶有半月餘日無
以接濟夫以紹興一郡之飢自臣未到已蒙撥賜米十四萬
石錢九萬貫至臣有請又蒙聖恩如此其厚而臣智術淺短
不能變通其所施為止於如此竊恐考之於今則徒有賑救
之名而無賑救之實要之於後則既已養之數月之久而不
免棄之旬日之間徒費 陛下軍國之儲數十大萬而不足
以稱 陛下救民水火之心固臣之無狀死不償責至於城
米增賞雖已得旨通行而去年獻助之人至今未蒙推賞度
縣換米雖已得旨給降而米數太多度牒一道計當錢千五

再乞
撥借
接續
賑濟

百緡以此至今皆未聞有應募者則此竊恐 陛下憂勞惻
怛博施濟眾廣大無窮之心或格於有司拘攣纖嗇之議而
不得以下究也臣已與帥臣王希呂同狀奏聞欲望聖慈更
賜憐憫再行借撥會子三十萬貫及今糶米五六萬石通融
接續措畫糶濟而復於此詳具其所以然者以聞其去年本
路所奏合推賞人則乞特詔有司直與推賞給降告命付之
本州令守臣喚上當廳祇受不須更令官司保明徒為文具
其度牒亦乞裁減半價只作百五十石仍再給降三百本付
紹興府令臣與王希呂同共掌管交到米斛即與書填別人
必樂從應募者眾凡此三者儻蒙施行庶幾此郡飢民逐家
一日各添得米一二升逐口一日各添得米二三合而逐縣

續有劄到漏落戶口及流移歸業之人亦得以漸次收拾不至飢死既有以卒究 陛下憂勞惻怛博施濟眾廣大無窮之心而草野愚臣亦得以憑藉威靈不負飢民之命千萬幸甚

論揀荒合行事宜

事目同上

此篇專論民食匱乏乞撥賜揀護

紹興
飢荒
昔所
未有

臣蒙恩將來浙東奉行揀恤到官日夕考究求所以上副焦勞之意竊見浙東諸州例皆荒歉台明號為最熟亦不能無少損而紹興府之飢荒昔所未有臣以目所親回思去歲南康之歉猶謂之樂歲可也賑救既在所急事躰宜先奏聞今

紹興八邑餘姚上虞號為稍熟然亦不及半收新昌山陰會稽所損皆七八分嵎縣旱及九分蕭山諸暨水旱相仍幾至

無收今除餘姚上虞稍似可緩外且論蕭山等六縣約其所收不過十一先次朝廷撥米一十四萬七千石錢九萬貫并本司前官申朝廷於衢婺州通融撥到義倉錢三萬八千七十五貫一百文明州義倉米五千石數目非不多州郡日夕惟賑濟是務官吏稍解事者皆奔走不暇雖寄居士大夫亦不敢寧處不可謂不留意然終未有能收飢等之實民情嗷嗷日甚一日不獨下戶乏食而士子宦族第三等入戶有自陳願預乞丐之列者驗其形骸誠非得已兼自秋來賣田拆屋砍伐桑柘鬻妻子貨耕牛無所不至不較價之甚賤而所得受為幸與質則庫戶無錢舉貸則上戶無力藝業者技無所用營運者貨無所售魚鰕螺蚌久已竭澤野菜草根取極

紹興

卷之三

地狹人稠
和買偏重

又盡百萬生齒飢困支離朝不謀夕其尤甚者衣不蓋形面
無人色扶老攜幼號呼宛轉所在成群見人使之酸辛怵惕
不忍正視其死亡者蓋亦不少臣深究其所以然正緣紹興
地狹人稠所產不足充用稔歲亦資鄰郡非若浙西米斛之
多又以和買偏重無巨富之家連遭水旱兼失蠶麥此小積
穀無有存者上戶先已匱乏是以細民無所仰給狼狽急迫
至於如此大抵荒歉自五分以下猶可措置蓋已五分之粟
給十分之人稍行勸分便可苟活今以空虛之郡而荒及九
分則一分之粟既不能給十分之人而戶口甚多所闕浩濶
亦有非移民移粟所能補助者臣所日見心思兼詢訪士夫
父老者既如此復約墾田收租之數以證之除餘姚上虞外
今將田畝計其歲入六縣為田一萬餘畝每畝出米二石
計歲收四百餘萬又將今再抄劄山陰會稽兩縣口數以約
六縣之數其山陰會稽丁口半增諸暨嵊縣而比新昌蕭山
相去不遠絕長補短兩縣當六縣四分之一今抄劄山陰會
稽四等五等貧乏之戶計三十四萬口四等之稍自給及上
三等者不預焉則統計六縣之貧民約須一百三十萬口併
上戶當不下百四十萬計稔歲所斂四百萬石米除上供及
州用外養百四十萬之生齒日計猶不能及二升之數則所
謂樂歲無餘者既信而有證矣又約六縣所蠲放分數以計
今歲民間所收不過十分之一則所不收之米約計三百六
十萬石而所收止四十萬石闕之數目如此浩濶則所謂補
助無策者又信而有證矣今將紹興府先所得錢一十二萬
八千七十五貫一百文并臣所得三十萬貫均給諸州外不

過共折米八萬二千餘石并前項米一十四萬石總而計之
 不及其田租所闕十分之一今來措置除蕭山僅能口給半
 月外其餘五縣以戶計之日之所得固已不過一二升若以
 口計之則日之所得又不過一二合是僅足以使之皆知聖
 主憂勞憫恤不忍坐視之意而已若謂如此而使足以救其
 必死之命則固難指準然遂欲以百三十萬之貧民盡仰官
 司口以升計麥秋之前九十餘日當為粟百萬石則亦非朝
 廷今日事力之所及也然臣切謂有司之力誠有限量而聖
 主天地父母覆載生育之心則無終窮以有限之力言之則
 救護之切撥賜之多誠若不可以有加於今日然以 陛下
 無窮之心論之則豈不欲使此邦更得數十萬石之粟以必
 救數十萬人之命其忍直以無可奈何處之而熟視其飢餓
 顛仆於前乎故臣輒敢歷叙其所見聞考驗之實本末如此
 而別具施行事目以干聖聽惟 陛下哀憐財幸 浙東奏狀
孝宗朝

乞住催紹興苗稅

事目同上

此篇以便行起催有追呼之擾乞與展限

照對紹興府諸縣去歲水旱相仍田禾損傷人民飢餓幸賴
 聖恩給賜錢米廣行賑救以至今日二麥既已成熟民之幸
 免於死亡者亦稍蘇息全藉官司存恤休養方可安業今不
 住據屬縣第四等五等入戶列狀陳稱災傷之餘生理未復
 竊恐和買役錢夏稅綿絹係是朝廷常賦難以放免外惟是起
 臣照得入戶夏稅綿絹係是朝廷常賦難以放免外惟是起
 催省限在五月十五日竊見下戶今春乏食養蚕甚少二麥

青苗未接
尚有關食

雖熟亦只得供給口食尚恐將來青黃未接尚有關食之患
所有稻田又方蒙聖恩借給秧種始得布種向夫早未成熟
尚遠若或依限便行起催切慮細民未有可以送納不免追
呼之擾却致逃移欲望聖慈特降睿旨將紹興府最荒蕭山
諸暨嵯縣會稽山陰五縣第四第五等戶合納今年夏稅和
買役錢與展限兩月起催庶幾新穀成熟之時可以送納所
有上三等戶自從常年條限催理如蒙開允從臣所乞則
上既不虧縣官經常之費不可少安飢餓羸困之人誠為兩
便

浙東奏狀 孝宗朝

乞住催積年舊欠

事目同前

此篇專以飢荒之餘宜加優恤

官赴
追呼
吏行
拯援

臣伏觀四月二十二日聖旨指揮紹興府蕭山諸暨會稽山
陰嵯縣五縣并嚴州諸縣各為去年水旱最甚可將第四第
五等戶合納今年夏稅和買役錢並特與展限兩月起催
內有願依條限送納之人聽從其便仰見 陛下愛育黎元
天地父母之意臣切恐州縣奉行不虔仰稽睿澤即已鏤板
多印小榜散在紹興府五縣曉示去訖臣訪聞本路被傷州
縣知通令佐多有只見春麥稍熟便謂民力已蘇遽於此時
催理積年舊欠上下相乘轉相督足使斯民方幸脫於溝壑
之憂而一旦便罹追呼決捷囚繫之苦甚可哀痛况今疫氣
盛行十室九病呻吟痛泣之聲所不忍聞豈堪官吏更加殘
擾臣雖已行下諸州及通判約束外尚慮未能禁戢欲望聖
慈特降指揮令被災至重州縣如紹興府衢婺州且據今年

積年舊欠
不與
不與

合納官物照應三限條法勸諭人戶及時送納其積年舊欠
直俟秋冬收成之後逐料帶催庶幾飢餓餘民得以存活其
濕台等州去年災傷雖不至甚然亦不為樂歲并乞同此指
揮戒飭官吏不得意外生事妄有搔擾則一路之民咸被德
澤不勝幸甚
浙東奏狀 孝宗朝

繳回督責賦稅指揮

先生講求荒政未畢朝省忽有督責合納苗稅指
揮難以奉行因上狀申省

此篇專論朝旨督責二字之失

承尚書省劄子勸會江浙兩淮諸郡去歲委實旱傷去處其
合納苗稅已降指揮檢放倚閣近來州郡以寬恤為名將不
係檢放倚閣之數故作稽滯不行起發劄下本司將管下州

郡年額合起綱運除檢放倚閣數外嚴行督責須管日下起

發如仍前違慢仰開具守悴令佐及當職官職位姓名申尚

書省所準前項省劄某共惟國家張官置吏本以為民所以

嚴行督責
不致
奉行

平時但聞朝廷戒飭州郡奉行寬恤惟恐有所不至至於督

責二字考之前史則韓非李斯慘刻無恩註誤人主之術非

仁人之所忍言也今來早傷檢放倚閣民間固已蒙被寬恩

然其不係放閣之數亦止合且令勸諭寬限拘催難以嚴行

督責所有前項朝旨若便推行竊慮有傷治躰某雖愚陋然

實不敢奉行
浙東申省狀

先生自壬寅至司所募海商米舟已輻湊矣日與僚屬寓
公鈞訪民隱規畫織悉晝夜不倦至廢寢食分畫既定則
親出按歷始於會稽諸縣次及七郡窮山長谷靡所不到

撫問存恤不遺餘力然每出皆乘輕車屏徒御一身所需皆自齎以行秋毫不及州縣以故所歷雖廣而部內不知官吏俾其風采倉皇驚懼常若使者履其境至有自引去者發有富民以賞得官門不糶一粒奏鑄其官屬吏不卹荒政者奏罷其任夏詔捕蝗奉行甚嚴社倉之法亦遂頒下台發有應時為之者奏免台州丁錢條具差役利害又乞倣福建下四州產鹽法於本路沿海四州行之倣處州萬戶酒法改諸郡酒場為之採荒之餘凡可以便民者憂深慮遠莫不規為輕久之計焉八月以賑濟有勞進職三等直徽猷閣尋改除江西提刑以按唐仲友故力辭不欲奪其新任詔與江東梁總兩易復辭惟受職名癸卯正月上覽奏知不可強起詔差主管合州崇道觀

續集卷之十四

類編標註文公先生經濟文衡卷之十四

和買類

乞除浙東和買絹數

是年秋八月改除先生浙東提齊冬十一月奏事延和殿凡七事此居其五

此段專乞到官與帥臣監司相度定數從來年夏料為始以革舊弊

臣竊見浙東路和買絹萬數浩瀚而紹興府獨當其半舊例自物力三十八貫五百以上入戶均敷入戶苦於輸納多立詭戶隱寄物力以避均敷是致見納入戶所敷愈重其間又有不該敷納田地之數官司不為除豁其弊非一前後臣僚申請並蒙聖慈施行而一時有司不能奉承德意牽於衆說

未有定論臣以得之傳聞未知其間微細曲折不敢輒有陳請然聞一郡之人無不以此為病猥蒙任使不敢坐視欲望聖慈特降指揮許臣到官與本路帥臣監司同共相度限來年二月內要見定論申奏取旨從來年夏料為始革去舊弊庶幾飢餓餘民得安生業世世子孫沐浴仁聖之膏澤不勝幸甚

辛丑延和奏劄五

孝宗朝

乞減紹興和買四條

先生既至司諫求荒政外又奏和買畫一四條

此篇一欲先裁減歲額二欲以貫頭均緡三欲將高下等第均敷四欲減免下戶丁錢

臣聞欲救巨患者不可惜小費欲除實弊者不可徇虛名臣等竊蒙聖恩備數東浙竊見紹興和買之患民所不堪巧詐之徒姦弊百出前此議者非不欲救而除之而往往過為國家顧惜小費不比流俗苟徇虛名是以因循終莫能革臣等不肖誠不足仰窺聖德之萬分然真有以知陛下安民之心燭理之明於此必有所不屑者是以敢昧萬死而一言之伏惟陛下留神財擇臣等契勘浙東七州除温州無和買外其餘六州共管和買二十八萬一千六百四十匹二丈二尺紹興一州獨當一十四萬六千九百三十八匹乃占諸州一半以上緣此重困人不能堪所以子戶詭名巧為姦弊雖有重法終不能禁且如會稽一縣經界之初舊例雖是物力三十八貫一百以上起科和買然以通數計之實及四十七貫方滿一匹今亦自三十八貫五百起科以通數計之乃自十八貫六百單一文已利一匹則是向來科納匹者今增為

二匹半矣官之所入不加贏田之在民不加損止緣人苦其重避免者多以故姦偽日滋以此極向來官吏之有意於者莫不知有此弊亦才嘗不為之惻然動心評議措畫亦既多端而利害相形終無定說如欲首併跪戶則懼其告訐民成風徒敗風俗而暫併復分終不能禁欲以歛頭均紐則縱舍游末重困農民輕重之間亦未為允欲科有產無丁之戶則彼能立跪戶者固不憚更立虛丁而寡妻弱子實無丁籍者反受其弊如欲減退物力等則或作鼠尾推排則彼昔者既能析而為三十八貫五百以下之戶矣今豈不能再析而為若干錢以下之戶乎故嘗參酌前後衆人之論而折衷之獨有通計家活浮財物力貫頭均紐之說稍為無弊雖第五等戶昔無今有者未免有言然於其間真偽亦復相半若真貧民輸一戶之和買不過丈尺彼自不較惟是子戶詭名之姦頓輸數戶積計甚多故尤不以為便而必爭之其人又足以挾下戶唱浮論以搖衆聽故不察其實者遂以自疑而莫能復措其說此和買之議所以訶訶累年而和買之害固未嘗有一毫之損也然竊嘗深究其受病之源則無他焉直以元額之太重而已故今臣等相與熟議輒陳此說欲望聖慈先發德音痛減歲額然後用貫頭均敷之說以定其制惟慮所敷第五等戶之中真下戶者或受其弊則請參用高下等等均敷及減免下戶丁錢之稅以優恤之但使真下戶者審知此法之行不為厲已而無他辭則彼姦民之浮論亦可以置而不問矣謹畫一條具如后

所謂先裁減歲額者臣聞祖宗初立和預買法先支見錢後

納細絹民間實賴其利至有形於歌謠者而當是時本路漕
臣有私於越州者其吏復私於會稽故此郡縣所拋獨多其
後請本之數遂為歲額而錢不復支絹日益貴以至今日而
白著之科遂反為一州無窮之害故建炎元年五月一日光
堯壽聖憲天躰道性仁誠德經武緯文太上皇帝登極赦書
有曰和預買法本支實價訪聞官司立價甚低或高擡他物
價直準折或以無實虛券充數甚者直至受納未支本錢不
遵條限前期起催急於星火今年上供之類欲依祖宗法其
和預買有前項違戾守令并轉運司並以違制論加二等仍
委提刑司覺察每歲於依限後一月內具有無違戾聞奏不
以實聞與同罪仰味大哉之言則是太上皇帝再造之初聖
慮之深固已及於此矣而兩聖相承於今五十餘年迫以軍
國之須所資至廣卒未能有以仰稱睿謨預支實價以復祖
宗之舊者臣等竊思其次獨有擇其甚處如紹興府者有以
少解其倒垂之急為庶幾焉爾然今欲去紹興和買之害使
無姦弊稍得均平而不先減其當日請本之額譬如負千鈞
者皆齊之力既已不堪乃不知減其所負之物但欲移而實
之懷袖亦必無益於事矣故令臣等於此首陳減額之說而
議者顧以為有虧經費無所從補徒然奏陳必不聽許則臣
等雖愚有以知其必不然也臣等仰觀 陛下愛育黎元如
親父母有以病告如切其身如頃年四川之虛額饒州之金
徽州之絹汀州之銀青陽星子之稅放免蠲除不可勝計而
連年水旱施舍貸給何啻數十巨萬何獨於此知其為害之
甚而不出捐數萬匹者以紓之乎又况近者已蒙聖恩減免

天慶橫陵等處和買二千餘匹固以漸示救患除弊之端矣然通而計之人戶所減每匹纔及一尺有奇而坊本煎鹽坵江放生四色所放尚未除免則臣等所以望於陛下者不但如此而已也臣等竊見浙西和買最重去處無如臨安府者而其數纔及八萬餘匹欲望聖慈將紹興府且依此例為額而蠲其餘數至於版曹經費或有所闕則乞量撥內帑之蓄以補其數蓋如本路坊場課利出剩錢數歲輸內帑者至若千萬貫皆是近歲曹詠創置窠名即非舊法所當供者如此之類儻捐一二歸之版曹還以補填本路上供蠲減之數則聖澤下流人知德意舊弊庶乎其可革矣

所謂貫頭均紐之說為無弊者蓋今和買之重人悉規避詭為下戶長姦滋弊莫可關防如經界之初會稽一縣凡為物力錢一百二十六萬餘貫而四等以上科納和買者當一百一十萬餘貫今來四十年所謂四等以上止有物力錢三十七萬九千四百六十貫六百文而轉入五等者乃至七十二萬五百餘貫皆緣和買之重姦猾之民爭為子戶詭名以避均數而其淳謹畏法不敢為者顧乃為之代受所免之數幾再倍於其舊政之不平莫甚於此從來為州縣者灼知其弊非不嚴詭戶之禁往往隨併隨分終莫能革令若蒙恩先次痛減歲額却以貫頭均數自物力一文以上並紐寸尺則高下多寡其數一定而姦弊無所從出矣若猶以真實下戶創科為慮則所謂高下等第科數以及減免下戶身丁之說臣等請得而備陳之

所謂高下等第均數者上戶舊科和買數多今用貫頭均數

則其數却須少減下戶舊不曾料和買今用貫頭均敷則其數乃是頓增若使頓增數中皆是子戶跪名則固不足恤第其間却有真實下戶不能無咨怨者故今復為此法以優恤之如第一等物力四十貫當料和買一匹則第二等四十五貫乃料一匹等而下之至於五等則戶愈卑而料愈少矣如此施行庶幾下戶所增不多不至反有重困

所謂減免下戶丁錢者大率第五等中有丁者多是真實下戶無丁者多是子戶跪名今若將第五等戶所納丁錢特與除放則真實下戶雖增和買而得除此色官物其乘除之間亦略足以相補矣

浙東奏狀 孝宗朝

再申明畝頭物力之說

所以欲改畝頭二字為物力貫百者蓋以畝頭科紐則有田之家被科而有浮財物力者不與亦有未均之弊故欲改作物力貫百則有田及浮財者皆在其中

小帖子

○市糶類

乞約束場務邀阻商販

先生使浙東即散榜召募海商米舟申嚴隣路過

糶之禁靡所不至入甚便之

此段專論商賈阜通之利

臣伏觀歲既不登所在艱食全賴商賈阜通之利所宜存恤不可搔擾今米穀不得收稅雖有成法而州縣場務多不遵守至於往糶而有所挾之資既糶而有所質之貨則往來之間經由去處尤以邀阻納稅為苦是致客人憚於興販欲望聖慈特降睿旨申嚴舊法仍詔有司諸被災州縣入戶欲與

往來
去處
為阻
為苦

販物貨往外州府收糶米穀就闕米處出糶者各經所在或縣或州或監司自陳所帶貨物判執前去其糶米訖所買回貨亦各經所在自陳判執回歸往回所過並不得輒收分文稅錢違者並依稅米穀法必行無赦如蒙開允即乞徑下轉運司約束沿江瀕海所過場務遵稟施行庶幾商販流通民食不匱

浙東奏狀 孝宗朝

乞禁止州郡遏糶

事目同上

此段專論稅務邀阻之擾

浙西州郡極為

契勘紹興府衢婺州諸縣皆有災傷見行賑濟合用米斛已承降聖旨指揮給降到米錢三十萬貫接續濟糶緣本路兩年荐遭水旱無處收糶其今躰訪得浙西州軍有為豐稔

處與本路水路相通最為近便已行差官雇船前去收糶及印榜遣人散於浙西福建廣東沿海去處招邀客販竊慮逐州縣不體隣路災傷之急故行遏糶及客人應募船販亦恐逐州縣稅務循習邀阻妄作名色輒收雜稅力勝買醋錢之類使本路飢民日就狼狽虛被聖主撥賜賑恤之恩事屬不便今檢準淳熙令諸穀遇災傷官司不得禁止般賑及今年八月三日聖旨勘會淳熙七年九月二十四日勅兩浙江東湖北旱傷全藉隣路豐熟去處通放客米訪聞得熟州郡輒將客販米斛邀阻禁遏奉聖旨劄付諸路帥漕各檢坐指揮條法遍下州軍不得遏糶如敢違戾仰逐司覺察按劾及今年十一月二十九日本路獲降指揮本路州縣稅場邀阻妄收稅錢力勝之類將官吏並於見行條法各加一等坐罪

見行指揮不許邀阻

來年六月却依舊法欲望朝廷特賜敷奏早降指揮將見行
過糴條法割下兩浙轉運司令行下浙西得熟州縣約束其
沿路稅務邀阻收錢亦乞依本路已獲降前件指揮加等坐
罪施行庶幾公稅船運免致艱阻一路飢民得沾實惠

申省狀 孝宗朝

類編標註文公先生經濟文衡卷之十四

續集

